

# San Juan jo'e chũ'o tocha saosi'ea'me

---

## **Chekũnare oichena'me chũ'o ũcuarepa i'kache'te kũamũ**

1-2 Chũ'u aiva'ũpi mũ'ũre Diore cuasako'te ie chũ'o tocha saomũ, mũ'u chĩiva'nare ũcuachi'a. Mũsanũkonare cuasakũ pa'imũ chũ'u mai ũcuauũko Dios chũ'o asa chẽasinajejũ. ũcuachi'a chekũna Dios chũ'o asa chẽasina ũcuauũko mũsanũkonare rũa cuasame. Repau chũ'o ũcuarepajekũna si'arũmũ cuasajũ pa'ijanaa'me mai. <sup>3</sup>Mai Ja'kũ Dios Repau Mamakũ Jesucristona'me rũa cuasajũ re'oja'che cho'okaimẽ maire. ũcuachi'a maini oijũ cho'okaijũ re'oja'che pa'iche jo'kame repaña. <sup>4</sup>Mai Ja'kũ Dios ija'che chũ'ũmũ maire: “Mũsanũkona pã, chũ'u chũ'o ũcuarepare asa chẽa cho'ojũ pa'ijũ'ũ”, chiiũ chũ'ũmũ. Diopi maini jã'aja'ñe chũ'ũna mũ'u chĩiva'na te'ena ũcuarepa cho'ojũ pa'ime. Repanapi jã'aja'ñe pa'ijũna ñakũ rũa pojomũ chũ'u.

<sup>5</sup>Asarepajũ'ũ mũ'u. Dios chũ'ũsi'ere aperũmũqueere mũ'ũni kũara chini tocha saomũ chũ'u. Chura mama chũ'u jo'kasi'ema'mũ ie chũ'o. Aperũmũ mũsanũkona asasi'ea'me ie. Ija'chea'me repa: “Chekũnare cuasajũ sãĩñechi'a re'oja'che cho'ojũ paũ mai”, chiiũ chũ'vamũ chũ'u. <sup>6</sup>Jã'ajekũna chekũnare re'oja'che cho'ojũ paũ mai. Aperũmũ jã'aja'ñe chũ'u jo'kasi'kũa'mũ Dios maire. Dios chũ'ũñe'te cho'ojũ chekũnare cuasana Diore ũcuachi'a cuasame repaña.

## **Re'oja'che pa'inare jorejũ cacũ'ona pa'iche'te kũamũ**

<sup>7</sup>Pã iainũko jorejũ ija'che che'chome: “Jesucristo cheja caje maija'iu pa'imanesi'kũa'mũ”, chiijũ che'chojũ pa'ime, chekũnapi repaña jorejũ che'choche'te asa chẽaa'jũ chini. Jã'aja'ñe i'kana Jesucristoni cuhejũ chekũnani cacũ'oũ chini i'kame, re'oja'chere ũsejũ. <sup>8</sup>Jã'ajekũna ñarepajũ pa'ijũ'ũ. Mũsanũkonapi pã jorena i'kachũ'ore asa chẽato Dios re'oja'che ïsira Chiisi'kũ ïsimeja'mũ mũsanũkonare. Jã'ata'ni mũsanũkonapi pã jorena chũ'o asa chẽama'ñe re'oja'che pa'ito mũsanũkonare re'oja'che pa'iche karama'ñe ïsija'mũ Dios.

<sup>9</sup>Jesucristo che'chosi'e asasinapi jo'kasō Repaꝯ che'chomanesi'ere tīi-ñere cuasato cu'amꝯ. Jā'aja'ñe cho'ona Diore cuasamanaa'me. Jā'ata'ni Repaꝯ che'chosi'e jo'kasōma'ñe cuasajꝯ pa'ina mai Ja'kꝯ Diore ūcua cavesuma'ñe cuasajꝯ pa'ime. Ūcuachi'a Dios Mamakꝯ'te Jesucristo'te cuasajꝯ pa'ime repana. <sup>10</sup>Pāi rani Jesús che'chomanesi'ere jorechꝯ'ore che'chonare pojomanejū'ꝯ. Ūcuachi'a mꝯsanꝯkona vꝯ'ñana rani kāñu chiito űsejū'ꝯ repanare. <sup>11</sup>Mꝯsanꝯkonapi repanani pojoni repana cu'a-che cho'oche'te ja'me cho'okaime.

### Cuhacho i'kasi'ea'me

<sup>12</sup>Mꝯsanꝯkonare chꝯ'o rꝯa kꝯara chiimꝯ chꝯ'ꝯ. Jā'ata'ni utija'ova tocha saocuhemꝯ chꝯ'ꝯ. Chꝯ'ꝯrepaꝯji mꝯsanꝯkonani sani ñakꝯ i'kara chiimꝯ chꝯ'ꝯ. Jā'ajekꝯna chꝯ'ꝯpi sakꝯna ti'jñeñe cutujꝯ pojoñu mai. <sup>13</sup>Mꝯa'cho, Diopi chēaꝯna Repaꝯ'te cuasako mamachīi chꝯ'o saome mꝯsanꝯkonare. Re'omꝯ.

Juan